

penso, prezenpio, a-i “nònni inte scheue”), ma e ciù tante da-e quôte sociali. Fortunatamente o numero di sòcci (in gio a-i eutoçento) o l’è tale da tegnîne o bilancio in equilibrio coscì da poeise permette de spende quarche cōsa in coerenza co-i scōpi sociali de A Compagna.

Fæme dunque dî comme sti dinæ vegnan speixi. Intanto quarcōsa devimo tiâ feua pe-e cōse de tutti i giorni, pe tegnî in ordine a sede e rendila vivibile e in regola: prezenpio emmo acatòu i estintori perché l’è obligatōio aveili. E quarcōs’atro o tegnimmo alugòu in banca pe fâ fronte a-i imprevisiti. Ma vegnimmo a-e speize ciù interessanti.

A cōsa che me pâ tra e ciù belle a l’è o contributo che A Compagna a da pò-u restaoro do Palio de San Loenso, in beliscimo drappo de sæa probabilmente do 1261 ch’o testimònia a potensa da Zena d’aloe.

I contributi pò-u restaoro son de quôte da çinque eori pe ògni citto quaddro de tesciuo. A Compagna a l’à decizo de contriboî co-in citto quaddro pe ògni sòccio (senza domandâ ninte de ciù a-i sòcci, l’è ciæo!): coscì 5 x 800 = 4000 eori che demmo pò-u Palio. Mi invito ògni sòccio a sentise òrgoliozo d’avei contriboio, co-ina parte da seu quōta sociale, a-o restaoro de ’n reperto coscì inportante e pin de stōia.

Ma no se semmo fermæ chi. Tutti i anni adotemmo ’n documento de l’Archivio de Stato pagandone o restaoro tra i 300 e i 500 eori. St’anno chi emmo dæto 700 eori pò-u

restaoro do stemâio do Seiçento do Musso conservòu a l’Archivio; i dinæ son stæti recugeiti con l’iniciativa “A Compagna in Campetto” dove tanti sòcci an dæto ’n agiutto. Emmo òferto 300 eori pe dâ recatto a-a figurinna da Madonna do prezepio do Santoaio de N.S. de Graçie de Votri e gh’emmo inprestòu o nòstro prezepio pe no lasciali senza (e seu figurinn-e son vixibili a-o Palaçio Spinoa de Pelisaia); emmo donòu 2000 eori pe premiâ quattro testi universcitaie in sciâ Liguria; emmo finançiou con 1500 eori o riordino do “fondo Plinio Guidoni”, poeta, comediògrafo e amigo da Compagna, conservòu da-a Fondazione Mario Novaro.

E, comme tutti i anni A Compagna a se fa carego de speize do Confeugo (o caro co-i cavalli e i sbandieratoî de Lavagna) pe 1000 eori. In pö d’anni fa emmo restao-ròu a statoa do Balilla e òua progetemmo de polî tutte e targhe che A Compagna a l’à misso in gîo pe Zena e ghe n’è pe coscì!

Ecco, cai sòcci, òua che sei dove van a finî i dinæ de quôte che pagæ, ve domando, no solo de ese testimònni da nòstra coltua zeneize e ligure, ma de dave da fâ pe portâ neuvi sòcci. Se ògnidun de viatri pòrta in neuvo sòccio, a-a fin de l’anno saiescimo in mille seiçento e poriescimo fâ ancon ciù cōse! Ghe conto!

Scignoria a tutti!

Il Parlamento è convocato all’Aula San Salvatore, Scuola Politecnica dell’Università di Genova, Piazza Sarzano a Genova, in prima convocazione sabato 22 aprile 2017 alle ore 01,00 ed in seconda convocazione **sabato 22 aprile 2017 alle ore 9,00** con il seguente Ordine del Giorno:

- approvazione relazione morale 2016
- approvazione rendiconto consuntivo 2016
- approvazione rendiconto preventivo 2017
- conferma del Console Generale alla Presidenza
- varie ed eventuali.

Isabella Descalzo
Gran Cancelliera

Ricordo quanto previsto nell’articolo ventiduesimo - diritti di voto: Agli effetti delle votazioni saranno considerati solo i Soci Effettivi in regola con il pagamento delle quote.

I Soci con diritto di voto hanno facoltà di farsi rappresentare da altro Socio avente diritto di voto mediante regolare delega scritta da presentarsi al Parlamento al momento dell’apertura.

Un Socio non potrà avere più di tre deleghe.

Facsimile di delega da scrivere anche su foglio in carta semplice

Il Socio _____

delega _____

a rappresentarlo in occasione della riunione a Parlamento del 22 aprile 2017.

Firma di chi delega _____